


樂善堂全集

子孫永保
雲煙家
藏書記

和18
201
6



門和八16
231
卷 6

樂善堂全集定本卷之十

表

擬

上頌

聖祖仁

皇帝御纂易書詩春秋講說朱子全

書性理精義等書謝表

伏以承

先啟後實維

首出之君覺世膺民共仰

樂善堂全集定本卷之十表

生知之聖亶聰明以作

元后紹庭敢懈於淵衷一道德而同民風建極不忘於典訓

王言用布

祖製聿頒億萬年道運丕昌共覩文明之式煥五百載心傳若接咸遵刪定之維新至道光昭湛恩汪濊臣等誠惶誠恐稽首頓首上言竊惟義皇畫卦以開天性命之精始著堯舜傳心以明道危微之義乃彰三百十一篇

之詠歌教惟淑性二百四十年之筆削法在尊王是以窮本溯源不外諸經之旨然而循流竟委又有翼道之書故周程自濂洛以揚徽而張朱起闕閩以建幟首尋聖緒刊落陳言他如同時之儒與夫私淑之士莫不抱遺經而叩其終始望先聖而溯厥淵源然而易道幽深孰識由來之理數書辭佶屈或參當日之方言箋注紛紜詩義因之而漸晦傳辭糾錯麟經反致於難通議漢儒者曰無明道

樂善堂全集定本 卷十
之功訾宋儒者謂鮮詒經之實惟知經自經而道自道豈解經載道而道傳經雖宋儒極力以廓清而明季復多端以煽惑未有經明道顯開通萬世之津梁作聖述明昭揭千秋之模楷如
今日者也茲蓋伏遇

皇帝陛下雲日為瞻羹墻如見治薰蒸為淳古允邁百王學緝熙于光明式敷五典昭格上帝時時以

聖祖之心為心涵育下民事事以

聖祖之政為政事惟師古道在率先念

聖祖仁皇帝探賾鉤深既同韋編之絕執中建極實承道統之傳托雅揚風何異宣尼之刪定屬辭比事盡芟衆說之支離至羣儒皆已表彰而朱子尤加尊禮謂其言精而義盡允宜身服而力行幾經

乙夜之勤猶分

萬幾之暇俱加纂輯重獲編摩雖開雕備續

於昔時而頒行有待於茲日我
皇上繼承志切誘迪心殷永維
先志之宜遵嘉與薄海而共守徧頒直省俾
鍍版於學宮廣勵師儒使鏤心於經術近自
畿甸遠暨寰瀛聲名文物之邦益霑
聖化嶺徼遐荒之地共覩
皇猷洛閩綿澤於無疆洙泗流芳而不竭從
此遵道遵路悟斷潢絕港之差學者是訓是
行識宗廟百官之富自

天雨露育成濟濟之人材特地恩波釀作熙
熙之大化臣等識同窺管學謝雕蟲佔畢徒
呻每望洋於學海近光有志賡復旦於堯天
叨與

賜書凜遵

聖訓伏願治如雨化學以日新蘊周情孔思
以修文法放勳重華而御世默成太極豈惟
歌詠怡情遠接心傳自爾是兆立辨以引以
翼存陟降之小心

樂善堂全集定本 卷一
作君作師布雍熙之大化則會其有極歸其
有極無不同之車書自西自東自南自北無
不被之聲教矣臣等謹奉表以

聞

擬

闕里文廟告成賀表

伏以

帝治崇儒允有仰乾行之健

皇猷重道三無炳離照之光辟雍振鐘鼓以

和聲樂華層吐膠序集珪璋而制器禮葉旁
敷元和洽而泰階平文教昭而王道坦宮墻
藻曜拍檜影以增歡俎豆祥開望杏壇而色
喜儒林雀躍文囿翬飛臣等誠歡誠忭稽首
頓首上言竊惟分野奎婁原屬文昌之宿儲
精泰岱實稱禮樂之邦非造化所獨私寔生
民之厚幸聖而拔萃開萬世以儒宗集厥大
成等百王而未逮是以尼山木鐸響嗣千秋
繡紱神區宅安萬古牲牢過魯昭漢祖之遺

樂善堂集定本 卷十表
徽麟鳳升歌著唐宗之芳軌然而祖述憲章
之美上律下襲之隆既莫造其堂階又孰知
其間奧旨聞絲竹壁雖完好於魯共像設冕
旒宇僅葺寧於明代未有廟堂式廓應景運
而維新典禮優崇際昌期而悉備煌煌鉅制
恰應珠聯璧合之期奕奕弘模適當復旦卿
雲之日人文與天文並燦聖居與聖澤偕新
如
今日者也茲蓋伏遇

皇帝陛下胞與無私羹墻有慕節儉以先天
下階茨遵著土之風仁孝以育兆民堂構美
丹黃之獲太平有象鄧治難名弛張寬猛咸
宜樂利貽夫四海雨暘燠寒時若懷柔暨乎
百神頻行

釋奠之儀屢舉

臨雍之典觀書則政惟由舊講易則義備畫
前既化雨之旁施亦恩波之普被稱先道古
奚龍乎三老五更綱舉目張悉協夫周情孔

思
帝謂至人之廟貌宜增美於重熙累洽之餘
天眷元后之精誠不屑循夫玉檢金泥之舉
藉經營於昭代貽締造於

一人既革故而鼎新益光前而裕後經始甲
辰之夏落成庚戌之秋璆鐵琅玕寶藏競輸
精於魯望榱桷杞梓楚材爭矯首於秦封犬
木掄自工師高敞煥龍文五彩色瓦成於內
府陸離瞻翬翟交翔默呵護於鬼神如松如

竹顯監司於卿尹其正其平準魏闕以定規
倣巖廊而布象域顯文明之氣雲呈卿喬之
華青鳳盤乎觚稜赤螭卧於椽桷聖時弘道
新顏從入之門立體通方務塞奇袤之徑儀
物重修古制祭器

特頒上方允為前代莫覲之休宜在生民未
有之聖臣等志存入室學僅面墻溯流以窮
源粗識先河後海正誼而明道謹思義路禮
門宗廟百官之美富難窺唐虞三代之隆平

幸際伏願岡陵鞏固磐石奠安高以下為基
若築室之必根於堅礪誠以明為牖如容光
之旁燭於四隅無反無側無黨無偏元愷升
而僉壬悉化有馮有翼有孝有德珠囊挈而
玉燭常調行舉言揚隱致慰於猗蘭之操耿
光大烈永垂麻於闕里之居臣等謹奉表以
聞

頌

九符有序

粵若稽古典墳厥初生民低處者巢
高處者穴取草木皮革羅鳥獸漉水
物以為衣為食君臣父子上下長幼
男女夫婦莫有倫紀聖人伏羲氏作
始畫卦以通神明之德類萬物之情
造書契以治百官察萬民政令行民
用遵約束時則有龍馬負圖之應迨
黃帝軒轅氏宰制羣動垂衣以治作
甲子天用錫以日月合璧五星連珠

造律呂播其八音而鳳凰巢阿閣與
蚩尤戰於涿鹿之野有雲氣止於帝
上其後復有聖人曰堯治歷象置州
牧四岳明俊德以親九族協和萬邦
時則百獸率舞廷生五色瑞芝舜承
是道重華協于帝建學養老敕命賡
歌卿雲復旦鳳凰來儀上下草木鳥
獸魚鼈咸若暨禹湯文武祗德建中
無逸執競時則有錫洛銜鉤鳴鳥流

鳥之瑞揆古聖帝王罔不得天嘉祥
為受命之符亦罔不在德其惟時叙
罔不克加抑畏用兢業于有邦以答
天之眷命自時厥後由漢迄明英君
誼辟天亦默相厥德跡其所履以為
協應其有矯誣佞詐作符瑞以欺
中外以惑蚩蚩泯天弗與民弗信也
洪惟我

皇清

聖聖相承宅中圖治以撫四海德威並行汪

濊暨訖

天用錫以洪庥敬戒不怠用培我不丕丕基雍

正三年三月太史奏日月合璧五星

連珠

皇帝曰惟予

丕顯考聖祖克聖克仁克膺

天佑予一人是賴有司其擇吉薦牲以告

景陵羣臣固請陞殿受賀不許嗣是嘉禾瑞

蘭慶雲芝草醴泉甘露河清鳳儀之

瑞先後疊奏我

皇上祗承

天眷弗敢自居或則歸美

聖祖或則不以宣示且曰朕所喜者豐年為

瑞及汝諸臣宣力四方斯朕志也臣

謹按王者必世而後仁天人叶應嘉

祥駢臻必俟仁而後益顯故生民公

劉之詩作於周名清廟明堂之什成

於冲子我

太祖

太宗肇基新命我

世祖

聖祖克成先志永綏兆民功崇德溥累洽重

熙勝於成周我

皇上歸功

聖祖蓋本於世而後仁之義然非

皇上以聖承

聖觀光揚烈恩澤覃敷民飲其和

天歆其治應感之符必不若是速也且周之

盛時雖宅豐作洛撫有千八百國而

幅員尚小孰若我

皇清東至于海南盡交趾西屆哈密北之七

十四部籩簠索負致誠貢獻者歲歲

不絕自京邑大都以至山村僻壤耕

鑿順則各勤所業武夫戰卒有老不

識兵戈者由斯以談

天之眷我

皇清於周有加焉記曰聖王在上天不愛道地不愛寶人不愛情考之今時洵合

其語

天子猶謙謙自牧敬德弗違修我人事撫我烝黎方將上溯堯舜欽明文思溫恭允塞之德中考湯武表正萬邦敬勝義勝之徽以措諸政令以為萬載規敬迓

天祿永永無極敬敬擇其符之顯奕者有九

各繫以詞以效頌祝之忱云爾

合璧連珠

昊天有命眷我

皇清奄有九有暨乎八紘以養以恬灝灝和

寧曰惟

聖祖文思欽明

皇帝纘之濟指丕承

天鑒孔昭厥符惟禎自古在昔黃帝握歷璧

合珠聯昭哉藝極旃蒙之歲單闕之月聿見
嘉祥其祥長發宿躔營室位在姬訾雙壁輪
困五珠迤邐星臺告瑞太史書呈
帝曰休哉惟

皇考實膺爰陳於詞爰告於

陵有謙其躬有讓其衷惟

皇孝思格乎

蒼穹豈惟民哉屆於昆蟲

黃河清

銀漢煥光河精發祥九曲彌亘浩渺汪洋宿
列崑崙流經積石匪澄伊黃浮天浴日曰既
清止休符顯奕徐邳淮泗千里靜碧馮堯息
浪河伯安瀾五老上告紫蓋繽翻滌而濯矣
既清且泚漉其濁矣既迅且駛鏡流瀾瀾素
波漣漣上映下澈天水相鮮疇克澄其源疇
克致其然既自

蒼旻景福永綿以光我萬年

孝陵神著

景陵瑞芝

煌煌神著奕奕靈芝百莖九光神物應期
帝命東皇分植

兩陵無節而秀不根而榮潤以仙露燦于
寶城於皇

世祖開物成務遠至邇安金甌鞏固

皇帝敬承羹墻見慕齋戒神明建中飭度是
用產著以應嘉祚於皇

聖祖握符壽世育之以仁正之以義

皇帝敬承同歸一致乃文乃武以葆以藝是
用產芝以昭上瑞之既蒼矣著既長矣貞符
彰矣壽而臧矣暨萬邦矣

嘉禾

有猗者禾在彼中田爾農來思越陌度阡芟
之奕奕柞之澤澤五穀既播三時無失載甲
載圻載長載衰載穰載實載碩載茂

帝實顧矣稷實助矣風披獲矣雨灌注矣綏
我屢豐言呈其瑞休我

皇風言多其穗遠自滇南近兆
帝藉匪雙伊九匪寸伊尺先民有言食為民
天百穀用成自古有年

瑞蘭

帝念民依惟農與桑孰飢莫食孰寒莫裳雕
鏤必黜爰勤三農纂組是省用紓女工
旻天維顯聿降瑞蘭瑞蘭維何萬蠶同簇曾
不經緯曾不杼袖苑窳致力西陵效勤神功
默相嘉蘭乃成爾純爾素匪紅匪紫爾質爾
實匪錦匪綺言徵其應言發其祥祐此蒸民
成以報章太平之澤五十衣帛夏清冬溫太
和充溢

甘露

奕奕吳都沃壤甫甫有苗有禾有絲有紵其
農于田侯主侯旅其賈于市侯笑侯語維時
之泰飲
帝之和舍哺以嬉渥澤孔多
上天錫瑞降茲甘露零我吳都佑我休祚其

疑如脂其甘如飴湛湛瀼瀼如珠之垂曰既
零止天下寧止曰既溥止萬邦安止以兆嘉
祥降福孔穰

醴泉

坤元載物厚德安貞孕祉毓祥乃效厥靈有
醴者泉載甘載旨莫尋其源載清載泚惟泉
之功養而不窮我

皇之心濟哲宏通惟泉之漉流膏潤下我
皇之澤物無遺者惟泉之源用之日新我

皇基命浩浩淵淵惟泉之發挹之不竭我

皇虛已聞言若決在易井六勿幕元吉勞民

勸相中正作繡

闕里慶雲

巍巍

宣聖上律下襲祖述憲章斯文烏奕我

皇膺命心契聖時以養以教作君作師爰新

闕里慶雲式煥紉兮縵縵郁兮爛爛迺映杏

壇迺覆檜榦金枝蒨鬱玉葉璀璨惟

帝之誠致雲之卿以彰我文明以貴我太平

房山鳳凰

四靈之一厥惟鳳凰感我

聖化遊我帝鄉帝鄉之南聿有房山雖雖啣

喙來集其巔亦集爰止惟

皇之祉藹藹吉人維君子使六象其體六府

是修九苞其文九夷來柔明明

上天鑒我

帝德朝陽叶應文明萬國

贊

十臣贊

張子房

卓彼留侯家世相韓嬴殄韓宗心瘁力殫東
得力士擊之博浪匿遊下邳受書圯上乃得
其傳乃遇其主謂沛公英仁是殆天所與惟
幄運籌千里決勝魚水之歡諫從言聽既遂
其志亦遊而肥優游赤松烟水鷗夷眇彼渭
濱同歸一轍渺矣風清冷乎冰潔

諸葛武侯

南陽之數有龍而蟠金玉其音碩人之寬昭
烈下賢三顧彌虔風雲蒸變乃出其淵東聘
吳都綸巾羽扇業業樓船煌煌火焰摧曹和
孫克定益州乃集其勢乃成其謀白帝託孤
實肩鉅任盡瘁鞠躬王臣之蓋七擒六出八
陣千井集思廣益澹泊寧靜察變以明動物
以誠奸回丕革官府肅清諸葛大名星輝雲
爛惟公一身存亡繫漢

高伯恭

渤海之疆篤生偉人元氣所蒸厚德無垠元
伯夙譽陽平早庸清平自守讞獄惟公乃抗
雷霆乃蹈虎尾尤恐茲心負翟黑子忘身濟
物卒感主明數千人命賴以全生才本於學
知發於仁敦仁力學品乃大醇黃中內潤文
明外照百齡純嘏六朝光耀

魏鄭公

隋失厥政豪傑並爭孰驅而除孰創以成有

樂善堂全集卷之六 卷一
唐文皇龍準日角杜斷房謀偉哉降嶽九有
同軌仁義施治爰有鄭公鹽梅之器繩糾謬
愆獻納忠謹安國利人浩然盛養屢陳直諫
事君以誠十思十漸防患未萌維山巖巖維
松植植猗歟鄭公古之遺直

郭汾陽

河之曲賊厲其屬矯矯汾陽疾馳蹇其纛藁
之城淪於思明皤皤汾陽偏師挫其萌乃蹇
乃挫祿山喪謀卒帥虎臣克復神州滅安殲
史旋定河中吐蕃夜潰代宗復國繫惟公之
功招之即來麾之即去往說葛羅仗此忠恕
靈耀衛幣承嗣拜使朝恩歎為長者懷恩麾
下亦愧從於不義惟誠感物惟明保身孰克
當此維公之云

陸宣公

維山有玉惟璞藏之既斷其璞不圭璋之維
水有珠惟蚌孳之既剖其蚌卒棄置之卓哉
宣公明珠美玉施之不窮守之彌篤弱齡侍

從歌詩宴遊興元戡難乃展厥猷獻納論思
興利除害舉直錯枉靖內安外曾史之行管
樂之才經綸奏列不待安排事急則需事緩
則舍德宗猜刻庸主以下君用則行君舍則
藏宣公忠蓋邦家之光維公一言自知甚確
不負天子不負所學

韓魏公

奕奕相州維天之中孕祉毓靈間氣所鍾爰
生魏公金堅玉潤相厥明時輔成景運弱冠

登第聿見嘉祥雲輝日下五色呈光大材不
器小用亦效西夏寒心兩宮諧孝齊范駕富
宏展經綸臨事決疑正笏垂紳皎皎易汗嶢
嶢易缺維公德量山崇海濶材既軼世學亦
通方光輝事業燦爛文章肫然而仁毅然而
醇猗歟魏公古之名臣

范文正公

嶽嶽希文學修行淑本仁祖義正直明肅陶
鑄人材心宏誨育成兩大儒橫渠明復公之

心事天光日照諫垣氣凜西夏威耀進憂退
憂江湖廊廟天章論對十事聿陳長沙之策
敬輿之文參政九月譖毀交聞志未大展千
載經綸公有至性內行克敦周友恤族率祖
率親義田之舉大惠宏仁有宋人物公尤彪
炳維雲之卿維星之景

司馬溫公

仁英繼統韓富當朝諧孝兩宮伊韓之勞爰
有溫公維持左右直斥守忠議禮匡救熙寧

元豐新法聿行惟公上言辨之甚明宣仁臨
朝自外召之爰立作相心乎好之維士與民
萬口如一僉曰休哉相我君實既遇其時亦
伸其志有猷有為補偏救弊惟公一生悉本
於誠言可對人達於生平德化遐宣膏澤普
沐於何見之社祭尸祝

耶律文正公

一代之興必有偉才元室肇造公實鹽梅幼
齡質異長究儒宗律歷術數靡不精通誠以

事君公以律已糾謬繩愆救惡將美育才舉
士立法垂猷元政之成維公之謀均稅均科
慎選守牧不去君旁國用充足懼法之涼錫
民以福懇款陳忠為百姓哭有元諸臣公為
賢相允如公言治天下匠

箴

虛受箴

天地之心普物而發聖人之情順事而達其
情其心無彼無此厥故維何惟虛而已矧茲

下學亟宜自勉胡不虛已以受萬善天賦以
性我受此中五常百行善量無窮黽勉終身
猶懼有闕矧其自足善心斯遏告我以過乃
我之師訖訖聲色誰則我規捨已之非從人
之是如圜斯轉如影斯徙曷虛爾中曰克爾
已爾不克已自滿則圯相彼溝澮雨集則潰
過而不留其涸可待瞻彼渤海浩浩浮天厥
惟不滿克納百川既虛而虛復實而實允為
中孚豚魚皆吉

銘

樂善堂銘

秉彛惟民氣具理存聖愚曷異善惡是分其
善惟何仁義忠信知誘物化遂亡其正惟危
惟微人欲天理操之則存舍則已矣曷惟其
操是曰樂善動靜弗違斯須弗間我既受中
我則蹈之我有秉彛我則好之聞人之善我
則友之非徒友之又克有之雞鳴而起孳孳
不已至樂因心其味孔旨樂正好善鄒孟稱
優東平樂善厥德允修嗚呼念哉善可樂哉
樂而不倦天性其培誠能好之萬福之根反
是則殆衆禍之門爰作斯銘服之無斁朝斯
夕斯果行育德

[Faint bleed-through text from the reverse side of the page]

樂善堂全集定本卷之十一

賦

耕藉賦并序

皇上御宇之五年青帝司方之二月春風普

扇陽德方亨

天子乃耕於千畝之田禮也臣聞聖王務本

耕藉以勸農功明主孝親親推以供

祀事我

皇上孝以事

親勤以率民二載甲辰既耕加一茲又躬行耕藉之禮急深盛重民食致誠匪懈其

典則隆洪惟我

皇上道洽天人化霑草木誕敷文德廣運聖謨渥澤周於羣生至治昭乎天壤乃猶頻興重農之典時勤保介之咨追厥唐虞播種之踪為彼率土民人之勸萬眾觀儀上農終畝迨厥秋成登於天廩薦之

皇天供於

祖考臣知

皇天

祖考鑒

皇上之精誠敬

皇上之大孝必錫嘏降祉永保無疆明德惟

馨聿懷多福臣不勝踴躍懼忭之至

謹拜手稽首而獻賦曰

繫惟重華之命稷兮播穀實繼乎禹功必烝

樂事堂全集卷十一
民之粒食兮始風動而時雍親耕肇於姬籍
兮意往聖之皆同我

大君之首出兮屢三推以勸農豈玉食之是
享兮惟簞簋之虔供秉耒耜以率先兮符澤
物之元功於是春陽初布青帝司方嘉萬物
之昭蘇值千卉之勾萌農祥既見土脈方昌
協風應律陽氣滋彰

皇帝乃順月令撫嘉辰念民力飭甸人當前
期而致敬用有事於青春於焉載師清畿封
人淨路常伯獻儀掌舍設榼爾乃青壇蔚其
聳立華萼森其佳巍雲移翠幕柳拂青幃啓
千畦之平壤欣四塗之腴肥逮夫元辰既屆
曉色方鮮

天子則御藻冕佩蒼瑱被龍袞鳴和鸞載青
旂揚朱旃接游車之鱗鱗施梁輶之戔戔爾
乃稷宮將近樂具班陳

天子乃降御輦饗農神祈嘉穀焚燎新禮成
而退有事藉田衣被襜褕趾履陌阡王侯衛

後虎賁導前太僕秉轡牽牛奉鞭乃歷廣場
撫御耦執縻手底不辭瘁乎三推載耒御間
試躬親乎千畝王公卿貳或五或九白叟黃
童歌呼奔走維誠敬之聿昭知樂愷之孔厚
於是黛耜方輟紺轅遂旋雨廉纖以灑潤風
縹緲而淨天侍從偕來睹

天顏之有喜馨香上達卜慶兆於豐年夫元
鳳下親耕之詔永平垂開耜之篇魏主望公
田而發趾晉帝帥羣后以祀先尚傳為古今
之盛事並書之史冊而爛然况乎我

皇至仁大知既事治而府脩亦成天而平地
脩稼穡以勤民謹神倉而歲事所無逸以知
艱重明粢而將祭三春暖兮播百穀四野寧
兮進雙穗也哉乃為之歌曰田之興兮稷之
功澤萬物兮助鴻濛我

皇展事兮干耦其同和協天人兮一哉
皇衷既耕既耨兮我稼其豐爰播爰植兮麻
麥懞懞又歌曰思樂甸畿千頃其耦

鸞輅載臨

躬耕其畝登於秋廩斯箱斯倉薦之
宗廟供之明堂神之格思綏祉無疆
一人有慶永奠萬邦

四時勤政賦

惟聖人之建極兮法天運以自強
歷四時以勤政兮亦日就而月將
堯兢兢而舜業業兮萃芳軌於我

皇禹惜陰而湯洛德兮繫日進以無疆
道既立而化淳兮美光天之徧育
如雲日之為瞻兮統要荒而臣服
大哉帝德輝光被乎八埏允矣

皇風恩波沃乎四瀆爾其一日萬幾
宵衣旰食誦抑戒陳無逸昧爽丕顯
夜以繼日既勞謙而匪懈亦健行而
不息勤問夜於未央雖寸晷而猶惜
若乃春居東以首歲夏居南而執衡
秋居西而司藏冬居北而主成春動
也物以之起夏任也物以之生秋收
也物以之

結冬凍也物以之貞聖人推本萬物之理而
欽象四時之行政刑準之以有度治教由是
而皆平澳寒應候而時若雨暘順序而成亨
此吾
皇四時之勤政而用致九有之和寧者也又
老政要書屏箴規刻珮日移崇政之餐汗浹
延英之背彼古事之云遠睹今茲之盛代厘
夕惕與朝乾用持盈而保泰信日昃而弗遑
豈臣鄰之可貸

聖主圖治以勵精庶政分司而用乂於是喜
而歌曰九鼎奠兮泰階平

皇風普兮庶物亨萬邦惟懷兮歌永清
帝心猶戒兮無荒寧朝夕兢惕兮象天行錫
極敷言兮惟至誠拜手稽首兮於王庭
萬壽無疆兮久道成

東郊迎春賦

震宮初動兮青帝司辰勾芒節屆兮木德惟
仁條風入律兮鳥歷紀新展東郊之盛禮兮

樂善堂集定本 卷十一
觀畿甸之迎春既備禮而備儀兮亦有則而有倫蓋欽承上帝而敬授於下民者也爾乃迎春東郊既著於月令青珪禮神亦載於周禮斗柄東指而萬物生地氣上騰而蟄蟲啓出土牛以示農駕玉輅而虔祀於是服蒼玉載青旂宗伯前導王公後隨有嚴有翼不疾不遲樂奏而凝寒頓減舞進而陽和自滋於是歡迎白叟笑舞黃童夾道霏微而灑雨平林縹緲而搖風喜鴻鈞之氣淑知大有之年

豐自南自北自西自東此皇都迎春之令典而萬國莫敢不來同者也於是勅庶司決獄訟非終必赦惟祥是用象暖律之發生乃省刑而寬衆又若降制詔勞三農助萌陽勸田功法思光之普扇布仁政以胥融於斯時也戶裊綵幡簷飛輕燕柳綠綺宮梅榮芳殿和風拂兮簾惹遊絲暖日長兮鶯啼曉金屏麗而帖寫宜春寶扇開而漏傳玉箭溥禁裏之春光煦閭閻而皆徧乃為之歌曰迎東郊

今肅以將舞雲翹兮歌青陽乘時布令兮德
施長億萬斯年兮紀春王

喜雨賦

客有駕輶軒乘雲輅展軫乎南畝縱轡於東
郊遨遊容與徘徊逍遙爾乃白雲起乎空谷
甘霖降於崇朝震雷燿燿飛電爍爍乃往田
舍而息焉有二三老人逡巡而前曰斯雨之
降時則時矣膏澤之濡普而施矣抑誰之功
乎請吾子明言以告之客奮袂而起曰猗歟

休哉盛世之民也飲其德而不知其力坐吾
明語子方今龍飛九五聖人在位德配乾坤
功參天地精誠通於神明政教化乎萬類故
上天眷命俾雨暘時若而萬方以治乃致含
哺鼓腹耕田鑿井者實不知帝力之賜也老
人曰聖人之德某既知之矣請吾子賦雨之
澤及蒼生者可乎客曰若夫金烏收景層陰
蔽空雷殷殷以振響電灼灼以搖紅鼓河伯
之驚濤涌海若之幽宮瀉天池之巨浸走萬

里之長虹遠迷三島近失千峯迴生意於衆
卉消渴望於三農此則雨之方作而其勢最
雄也乃其雲開雨止霽景澄鮮山宛宛其染
翠木蓊蓊其逞妍鳥嚶嚶其鳴樹草芊芊其
含煙柳暗歸鴉簷喧乾鵲槐影濃兮庭宇清
花陰轉兮簾櫳薄纖歌動兮高樓紅袖飄兮
綺閣細帙開兮芸編博山焚兮繡幕莫不欣
膏澤之滂澍喜雷聲之頻落此又雨之既足
而萬方共樂者也至若烏犍耕白水之涯黔

黎藝綠野之畝白叟歡呼黃童奔走土脉既
滋兮禾麥如雲灌溉不勞兮田疇以阜爾倉
爾京爾荷爾負此又二三子所終日服事而
知利我之孔厚也於是老人倚杖而歌曰雨
玉不可食兮曷若嘉苗滿目屯黃雲雨金不
可衣兮曷若五風十雨利耕耘惟天降康兮
稽首蒼旻惟皇感天兮永眷日勤千秋萬歲
兮樂吾之君

秋陽賦

有畏炎公子駕輕車乘駟馬停驂乎曲畛展
幹乎廣野見秋陽之高曝看流光之徐下乃
油然而喜曰此其尊收司乎三秋祝融謝於
九夏故炎者變而為晶畏者化而為愛也懸
清大夫過而揖之曰公子之樂秋陽者徒以
昔之炎爍今之清明也愛其溫和而畏其歊
蒸也不知寒暑相遷而陰陽相生請為子賦
秋陽之功而萬物以成可乎懿夫坤兌司方
商金屆時潦收寒渚波淨橫池肅肅兮爽氣

森森兮梧枝萎芳蘭之茁茁燦黃鞠之離離
於時日出扶桑耀乎東方六螭爰馳兮九
熒而閃閃九道發輝兮氣灼灼而煌煌商飈
助其清暉閭闔翼以高翔明無幽之不照朗
無微之不彰爾其金門朝啟玉漏初宣千官
鵠立百辟鵷聯晃朗兮照帝座而明袞宸熠
燿兮浮鳳織而映龍旃合璧兮彩煥抱珥兮
祥連魯戈返舍兮彼詭誕之徒爾漢世再中
兮亦荒唐之空傳豈若炳煥形庭霽貢金之

來萬國焜煌玉闕恍會海之致百川哉又若
六街三市甲第崇隆庭懸肆堵席列千鐘當
秋日之清爽兮喜拂筵之金風愛蜿蜒之六
龍兮惜光景之融融綠隙通輝乘虛炫彩園
林掩映以潔清庭宇當空而爽塏散菊圃之
叢金霏桂苑之珠彩信照耀之無私而盈虛
之莫改亦有黃雲滿目稼穡在望多黍多稌
千倉萬箱朗旭高懸兮舒農甿之炙背肅霜
惟時兮屆穀麥之登塲歌堯年兮大有樂舜
畝兮盈筐至若榆關罷戍玉塞晏兵萬里寒
光兮生鐵戟三邊曙色兮動危旌喜烽烟之
久息俄懷鄉之念生爍彼瑀弓耀茲寶鉞莫
不壯戰士之雄心蕩邊氛於窮髮乃其林泉
曠達隱士高人此日兮何日幽蘭兮可紉霜
零我園兮秋早露泣我徑兮清晨羨朗日之
一照旋洗垢而滌塵是察察而皓皓者庶比
潔於秋旻於是公子撫掌而歌曰秋容淡兮
秋日明冒萬物兮晶以熒惠我百穀兮登西

成吾欲繫之兮以長繩

燈花賦

夫何三冬之夜永兮聽玉漏之丁丁耿宵寒
之不寐兮羌讀史而論經對銀燈之熠爍兮
何用夫隨月與囊螢松風蕭蕭於戶外兮爰
閉窗而掩櫺獨兀坐於幽齋兮賴詩書之是
娛引短檠而置前兮瑤篇卷而復舒注膏油
以續餘燼兮光燦爛而晃如何生意之忽發
兮開花朵於斯須曾不根而自華兮焰炯炯

而扶踈萼蓓蕾而金輝兮葩晶熒而錦敷丹
艷灼灼兮火蕊煌煌離精發瑞兮內隱外光
飛蛾嬉其來往兮恍如蛺蝶探擷乎春芳乍
蔽乍虧兮若續若離匪青匪綠兮叅錯歲蕤
可遠觀而不可近玩兮花無葉而有枝歷四
時而皆榮兮又如火蓮冬秀乎雪池爾乃釵
綴玉蟲兮枝堆寶粟光炫纖緗兮影搖帷幕
度長夜之迢迢兮喜銀缸之續續靜對而意
甚欲生閒吟而筆花交錯方作伴於形影兮

信有佐於誦讀若夫庭燎通晨九華達旦雞
踏蓮花之巧龍銜火樹之艷麗乎未央之宮
燦乎承明之殿斯金闕之壯觀豈書齋之清
玩又若帝城三五上元佳時鼇峯千仞金蓮
萬枝縹緲與繁光共絢銀花與寶炬爭奇固
游觀之雜選非靜賞之所宜乃為之歌曰幻
非幻兮色可親實非實兮報先春朗瑤室兮
席上珍照芸編兮日月新

鳳凰來儀賦

以聖化感孚泰平瑞應為韻

惟

聖皇之建極兮膺九王之寶命沛仁恩於四
海兮教化洋溢乎萬姓天不愛道而地不愛
寶兮百福畢致而延慶乃威鳳之翔集兮符
一人之神聖嘉彼休徵應我
王化向畿輔而高騫覽德輝而載下惟羽族
之三百實超羣而莫亞

聖德惟純祥禽潛感稟鶉火之靈曜資和氣
之融暖信鹿後而麟前亦雞喙而燕頷必梧

桐之是棲非琳瑯而不噉爾其九苞六像兮
五色紛敷戴仁纓義兮蹈信惟孚負禮向智
兮順德不渝晨鳴賀世兮飛鳴郎都行鳴歸
嬉兮止鳴提扶是皆斯禽之神異掩餘瑞於
瑤圖者也若夫黃帝阿閣之巢雖雖喑喑帝
學六英之舞萋萋翩翩虞廷來儀而神人格
岐山和鳴而聖道泰孰若當邛治之休明集
王畿而遠邁曠千古而一觀昭德感於
聖代是以六府治九功成金甌固泰階平上

瑞駢臻歡聲徧乎閭里嘉祥疊奏喜氣達於
寰瀛乃為之歌曰鳳凰來兮

皇之瑞集天畿兮拱

帝位

帝德光被兮靈祥萃

聖心彌寅兮勤自治敬

天貺分罔或肆又歌曰吉士藹藹鳴鳥協應
昌由臻茲我

后德盛萬有千載遐荒安定

重修

闕里文廟告成賦

丕鑠惟清

聖祖神宗既承顯之式穀允精一而執中欽
明文思克讓允恭洋溢涵沕萬國來同
皇上御極是法是則煥天下於文明登九有
於衽席重道而
先聖是欽崇儒而
素王惟式

天鑒孔昭佑我

一人謂闕里之經營既久斯尼山之廟貌宜
新藉締造於昭代貽制作於
聖君

天子乃命司空勅匠作爾經爾營乃量乃度
走羣靈而驅八神鳩工徒而諮衆略劂無間
不注之巉巖伐泰嶠嵩高之參錯良材川委
大木神輸授模定式審方辨隅陶埴鍛厲之
俱備丹青巧冶之咸臚凡工倕與匠石莫不

奏技而待須爾乃日嘉時良爰動馨聲錘徒
奮力獲人充盈既陜陜而薨薨亦登登而馮
馮大冶耀兮金煙霏屑噴兮瓊英斧斤丁丁
兮觀揀度之胥法繩墨綿綿兮春約椽之咸
平矯枉兮既直削腐兮用貞曉畚橐橐晝杵
訇訇俄而確輝玉礪采煥雲楣豐融曼衍揭
業陸離祕殿聳兮盤鳳傑閣矗兮卧螭何巨
飄之方建乃卿商之呈奇曜藻流光兮鬱鬱
而承日麗懸華曳紫兮紉縵以布天垂斯固
天文與人文並燦聖居與聖澤偕丕者也若
乃級層階於東西拱修廡於左右大成殿大
成門實

御筆之親書聖時門弘道門更
睿思之口授圭瓚俎豆之式新犧牲幣帛之
加舊添配祀之羣賢增執事之奔走色瓦頌
自尚方

御碑摹以重鏤丹楹列乎瓌材采楠揭乎織
繡則其為狀也邈穹窿以宏壯亘砢磷而宵

冥殖殖兮其庭噲噲兮其正宏卓爍以輝赫
兮若燭龍蜿蜒而鬚鬣紛攢羅以歲魄兮若
巨鼈顛顛而崢嶸斯翼斯棘兮屬閣道之駸
駸如松如竹兮衛鈞陳之縱橫倣巖廊而布
象準魏闕以為程礪磴既堅知為高之基下
綺疏交映悟立誠之牖明至夫既落既成乃
祭乃饗

命皇子而徂征昭

一人之敬仰牲牲肥脂黍稷豐穰衣冠肅恭
進退雍容籩豆既旅樽罍斯崇以間兮笙鏞
於論兮鼓鐘神既安兮和冲降多福兮隆隆
盖尊聖之典無以尚統前後而莫有或同者
也於是為之歌曰堂皇靈宇

天子是新既輪既奐乃瑋乃璘杏壇葱鬱檜
幹繽紛宣聖是安佑我後人歷億萬禩丕煥
斯文

樂善堂全集定本卷之十二

賦

萬壽日慶雲見苗疆賦

惟

皇清肇三韓而定業肇盛京以立基既應天

而昌運亦撫民而順時

世祖白旄黃鉞仁義興師於是乎撫有四海

宅燕京而嚮離於皇

聖祖作則生知正義育仁以馭世制禮作樂

以定規六十一年之湛恩渥澤逮我
皇而克享其雍熙丕鑠

皇德

聖祖是式精神通於神明聲色允其恭默勤
政亶乎八年至仁敷乎萬國暨壤者歌何有
之帝力含哺者順無為之帝則

昊天曰明鑒我

皇情何祥弗應有瑞畢呈乃撫謙而自牧更
持虛而若盈或歸

親而不居或讓美而弗稱斯固

一人之大德巍巍蕩蕩而難名者也歲在上

章月惟淵獻

帝澤均施

皇風普扇坤輿載闢紅苗允致其共球版籍
初登六里亦安其服旬乃宣布化誨之初辰
實誕降吾

皇之聖旦鴨保寨之大吏初臨地良坡之苗
民同忭池河營之猺獞咸臻萬榮江之老幼

共見異地而
王命頒陳同時而卿雲燦爛歸誠之愚民稽
首何異華封之祝三宣意之將吏傾心允似
嵩高之呼萬氤氳捧日劈碎錦之千重縹緲
麗天幻榮光於萬變為樓為閣拱黃道以旁
敷非霧非煙被清風而不散五文絢彩於璇
霄十色流虹於碧漢此重譯之來不聞奏於
越裳七旬之格不聞歌其紉縵者也况於嘉
時正午恰當

景命之辰歷未及申允愜綿長之願彼夫升
堂於黃帝之時起河於伊耆之代入房於殷
湯之宮浮洛於周成之載穆天子之王母為
謠漢武帝之泰山紀再或一色而無文或旋
聚而忽分豈如歷三時之久當聖壽之辰現
新附之地昭歸化之民又何足稱函關紫氣
帝鄉白雲哉乃為之歌曰於赫
聖治兮格於

蒼天嘉瑞聿昭兮於彼苗田格愚孚頑兮王

化普宣祝我

聖壽兮億萬斯年

為善最樂賦

居空齋以探索兮繹書史之幽深感前芳之
美則兮羗遺予以嘉音渺管蠶之窺測兮天
與淵其難尋惟茲善之具備兮信足悅夫吾
心伊吉甫之清風兮謂有物斯有則民咸秉
此天彝兮孰不好是懿德私與欲其相爭兮
天良因以窒塞致儵忽之鑿竅兮感渾沌之

戕賊譬望舒之圓滿兮蟾蜍乃以侵蝕智者
覺以先反兮愚窮年而終惑解迷途之往轡
兮迴余御於中達駕言騁乎義路兮謂先聖
其可師紛既有此內美兮胡為汨以外務也
何既知而弗由兮夫唯已未克之故也味宣
聖之教淵兮禁視聽言動之非禮既天君之
泰然兮百體從而受紀斯已善之可樂兮樂
孰能以愈此彼友朋之輔仁兮亦示我以周
行日相親於理道兮羗容與而相羊發我蒙

而鍼我疾兮善日進而無疆嗟蚩蚩之庸衆
兮昧虛靈其如狂忽背禮而棄義兮乃智力
之相強資業施以為美兮謂蘭蕙其不芳彼
是非之顛倒兮夫何樂善而日將緬東平之
修美兮為炎室之宗臣帝問王以何樂兮王
惟樂善之云高宮崇隆以入天兮綴珠玉而
為珍詞士紛其侍座兮媵女翩其奉巾靈雞
臞熊以為羞兮華文黼繡之錯陳何耳目之
不移於玩好兮乃惟德之日新吾將從此以
尋樂兮庶澡浴乎眇身

良玉比君子賦

焜彼太璞有韜其精蘊茲良玉爾晶爾瑩潤
林薄兮凝秀輝岡巒兮挺英伊美德之莫匹
吾將配君子之潔清爾乃涅而不緇素有餘
也廉而不剝堅如初也珪以為瑞珉砮砮也
珮以致飾章衣袵也庇蔭嘉穀用弘敷也氣
比白虹光發舒也文質彬彬德均如也君子
比之於馬自鏡溫潤其形密栗其性一塵不

雜無疵類之可尋全體胥瑩有光華之交映
夫何大璞之不完而匿瑕之為病哉

指佞草賦

銅龍曉啟玉漏初傳氤氳曙色縹緲祥煙朝
萬國之球璧列百辟之班聯爰有靈苗曰指
佞草非時不見實天地之無私應候而生允
皇王之有道則見夫時丹陛而蕙菁秀彤墀
而縹緲金莖露灑潤貞幹之稜稜玉殿香凝
靄斜枝而裊裊無心而應獬冠之觸何殊有

佞則知金鏡之洞已早至若元愷登而儉壬
化明良慶而庶績熙雖間生於堯代實藏用
於明時對右平兮左城承日照兮風披千官
劍珮三殿威儀則屈軼亦呈其瑞而已矣又
安得夫邪佞而指之

松竹四時瀟灑賦

以題為韻

觀鴻濛以元探步庭砌而從容伊植物兮不
齊固賞心兮莫同或春榮兮秋萎或冬枯兮
夏豐則有蕭蕭翠竹落落蒼松勁枝戛玉貞

幹蟠龍歷寒暑而妍媸莫易冒冰雪而綠蔭
偏濃得天地之正氣乃吾心之所宗若夫蜿
蜒拏空扶踈繞屋不羨五株之封魚有數竿
之綠三友稱號仍須林氏之梅三徑標名更
待陶家之菊呈彼秀姿動予雅意匪賦性之
或殊實秉氣之獨粹森森挺翠鄙木主與花
奴蠢蠢凌虛筴桃三而李四於是潛意清心
凝神構思而賦曰偉坤元之播育何磅礴而
無私美松竹之清勁獨秉性之不移峙忝
而雲霞並繞蔭淇澳而風雨咸披伊何人斯
移植助我興兮猶夷暮靄朝煙之際輕風淡
月之時柳絮因風每遜榮於冬日芙蓉貼水
難競美於秋朝况乎飄風弗弗暮雨瀟瀟嗟
柔紅兮嫩綠或墜瓊兮隕瑤惟枝篠之挺出
恒歲蕤而莫撓故曰逞妍者易摧仗節者不
改宜賞之以吟哦樹之於爽塏照晨暄之煦
姬潤宵露之沾灑惟四時而如一是松柏之
所以乃

帝賚良弼賦

昔在高宗踐丹宸之位居紫極之宮志恭默以思道心殷憂其如忉何精誠之弗懈允帝載之潛通神悠悠其若往夢忽忽而凌空於是陟崑崙歷元圃遊碧落之庭升玉清之宇謁乎上帝既拜且舞乃致詞曰惟川有水惟舟濟之惟鼎有羹惟鹽梅偁之帝集命於臣武丁將俾三無而治之臣恐德弗類請賚良弼以貳之帝乃命巫咸冊之曰若有人兮山之

之窈雲峩峩兮波渺渺清明兮其躬怡悅兮其貌資汝武丁以佐有道俄而曉鐘催曙漏箭停傳乍迴清夢恍憶前緣爰徵繪匠造進廷前肖乎獨見之容訪其惟似之蹤而說也乃在傳巖之野傭築之中既威儀之不惑知經緯之靡窮置之左右相於厥躬允啟沃之是賴資誨諫以折衷金之礪兮差可比木之繩兮將毋同是知天之載兮無聲無臭誠之通兮無感不就惟高宗之聖敬日躋斯上帝

之賚賢若授彼神道設教之言蓋執理而疑
誠不似密而實漏哉

天爵賦

帝渾沌之苗裔兮全衆美而尊安伊冲氣之
組緼兮胚渾司乎五官處方寸之福田兮闢
靈臺其洞寬宏泰宇之坦途兮施耳目之屏
翰蹈中正而為轍兮何姦匪之能干紛既有
此內美兮乃上帝之鑒觀帝用嘉其完備兮
詔天君其聽焉若曰予有四德厥首惟元廓

然無我順應無偏是用錫汝莫或不全在事
有宜在理有義應酬裁度發強剛毅是用錫
汝外以制事節文之詳厥惟有禮清明在躬
中立不倚是用錫汝以綏福履人為物靈惟
智盡之是非臧否洞然不疑是用錫汝以揆
厥時惟是四德服行毋怠惟信之功大小咸
在是用錫汝動罔或悔心官既受此五爵於
上帝也乃再拜而言曰皇天無私兮賦德在
躬五典有秩兮委任實隆期篤守而莫忒兮

副簡命於蒼穹庶天職之常保兮弗憧擾於
朋從

相馬賦

伯樂過冀北之野見羣牧焉在垆之野在阜
之岡惟駢惟騏有喬有皇長嘶兮于林之下
低飲兮在水一方或伾伾而繹繹亦祛祛而
彭彭雖騏驥之在望恐駑駘之相妨於是舍
舉肥用心鏡不觀其外附之毛獨察其內秉
之性窺其心兮不趨於險相其目兮惟視乎

正以之御兮則既佶且閑以之馳兮則進退
惟命是蓋獨擅駟駟之場而所謂馬中之聖
者也於是飽以甘芻浴以清水既範我之馳
驅可不加夫鞭箠星角目兮電發鐵蹄蹄兮
風駛耳鳳聳以雙峻鬃龍騰而孤起蜿蟺堤
陌之間徘徊閭闔之裏是雖斯馬之迥異亦
因斯人之知己於是呼造父招王良騰六合
歎八荒朝稅駕於咸池暮返御乎扶桑顧羣
驚而若遺繼後塵而難望蓋養之者有方用

之者有矩節其力而不勞因其時而不苦不
然者何異於撲緣之拊而東野之舞哉

九日登高賦

歲九秋之暮月兮天肅霜其寂寥義和倏忽
而躔在房兮又值重陽之令朝何景物之慘
悽兮羗草木之蕭條悴繁綠於寒渚兮萎柔
紅於荒郊命駟馬余徂征兮駕言往乎山之
椒凌高巒而遙瞪兮度迴壑以逍遙既流眄
於平隰兮見落日之還臯鴻鴈翩翩而來賓

兮聽霜翻之脩脩至若龍山高會廳館傳觴
楚臺馬戲沙苑鴻翔咸宴凱而吟詩兮仰清
風之高遐何好事之傳說兮獨稱落帽之孟
嘉今視古其猶昨兮羗節物之堪誇聊容與
而倘佯兮請採佩乎萸華

五日角黍賦

歲辛亥月天中客有以角黍請賦者主人曰
唯唯昔在三閭大夫抱孤忠而無貳矢靡他
而莫移悼方正之不容羗殷憂之日離寧英

卷十一
芙蓉兮木末採薜荔兮江湄浴蘭湯兮詎潔乃
浮遊塵外而自投於汨羅之涯蓋仲夏之月
而正陽之期也於是楚人哀之截彼竹筒貯
茲糯米塞以楝葉縛以綵緹望水濱而相投
亦社祭之變禮今角黍之制乃出於此也客
曰此夫人而知之矣更請進焉主人曰伊五
月之為卦實下巽而上乾惟五陽其既盛乃
一陰之是旋觀菰葉之裹米方陰陽之包連
此亦扶陽抑陰之意而聖人之道存焉若
夫煮龜之骨為菹烹鶩之羹以薦百索之號
徒傳九子之名空擅既無取於懷賢悼古之
風更無涉乎扶陽抑陰之善雖養口體之微
亦不可以不辨

六藝賦

居高齋以遠紹娛情志於典墳藉義府之息
游望宮墻其幸新伊六藝之為懿雖宿儒而
必親余下學其何知敢玩愒而不遵矧夫禮
緣情以制物樂平情而返初射必先乎正直

御必範乎馳驅書貴六文之不忒數窮大衍
而有餘於身為終始之伴於道為行邁之輿
請為言其美備俾達者其聽諸原夫禮儀三
百威儀三千既安上而治民亦緯地而經天
其制之也必傳道之聖其行之也必守道之
賢郊廟有饗祀之典朝宇有聘會之虔尊尊
則衣冠拜舞親親則酬酢蕃駢尊卑賴以等
殺進退恃以周旋是蓋禮之大者而其細尤
莫能以盡焉粵自軒轅雲門定樂溯源必本
於中和相濟必分其清濁以歌則管聲噦噦
以舞則鷺羽翬翬五音六律之交宣八風九
歌之相續審音兮既換羽而移宮吹律兮復
度商而揣角入耳兮踈心以釋傾聽兮欲心
以平雖宜觀於韶舞必先放乎鄭聲以宣民
志以和民情惟樂舞之至正斯風俗其可成
若夫敦弓既堅四侯既均可緣此而觀德亦
因之而序賓在澤在宮必有一定之制少筭
多算難紊不易之倫騶虞之節兮天子所用

狸首之風兮諸侯是陳慎其所舉取制於中
聖王合射以明教男子蓬矢而桑弓在昔宣
尼曰執御矣平心正體兮在茲自下奉上兮
以此四黃既駕兮總轡分鑣兩駟不倚兮過
都越鄙追電兮逐風發靶兮殪兕鄙組舞於
東野羨辭乘之王良愛遽瑗之過闕馳造父
於康莊孰謂御為賤役非君子之所方哉至
若畫始羲皇字肇蒼頡史載觀於蹄迹易稱
代乎繩結百官以治兮宣猷萬民以察兮仰

哲迨書契之大明快苞符之畫洩於焉籀斯
造乎前驅羲獻繼乎後乘文皇飛白張顛草
聖顏柳法嚴蘇黃筆勁雖歷代有作者要悉
歸乎心正乃若司天之職推步萬端黃鐘定
其分至玉律辨其暑寒既參天而兩地亦稽
坤而考乾下至內府外府之歲會郊人廛人
之定田無一則何以成十有百則至於累千
參伍而其法備錯綜而其數全豈若商鞅近
功始按人而立稅弘羊心計算舟車與緡錢

樂善堂集定本 卷十二
蓋所以裕國計敬昊天惟損上而益下乃自古而云然懿茲六藝用藉尋求若行遠兮駕車若溯川兮泛舟嗟不學兮面墻期佩服兮優游庶不忒兮我心用黽勉兮前修

日方升賦

伊蒼旻之懸象兮煥二曜之重明
麗中天以臨照兮終萬古而健行
分宵旦之行藏兮仰瑞應於升恒
維光華之烜爛兮百昌欣以向榮
偉魄淵之繼照兮請仰觀旭日之方升明

萬彙其伊始兮符天心之生生
方其玉繩罷繫斗杓收指望舒
隱曜以西馳啟明藏輝而遠徙
覽東方其生白眇海水而煥紫
滄溟罷浴駕羲御以邁征火馭
載臨邁天衢其自此璇圖不忒
兮正義仲之寅賓玉律無差兮
合容成之步晷銀蚪渴兮燭龍
翔陽鳥飛兮曜靈揚出渤澥兮
經若木歷暘谷兮拂扶桑瀛海
燐燐洗寶輪而皎潔咸池炳炳
拱神鏡以汪洋玉衡隱約兮低
度瑤華烜赫兮含章照

彼鮫宮添輕綃之晃朗射茲龍窟增寶藏之
輝煌則見金門初啟玉漏停傳天雞喚兮報
曙寶鼎列兮生烟陽侯執轡兮炫彤墀之璀
璨后羿揚麾兮催青瑣之班聯雲旗縹緲兮
映百川之會海霞車陸離兮靄萬國之朝天
此出震一人之有慶嚮離敷治以無偏者也
至若六街香霧九陌紅塵曙色方升晉謁之
驄駟駒晨光乍爛計偕之車麟麟瞻祥光之
錯落靚瑞靄之氤氳此王路馳驅之士鸞翔

鵲起而欣欣者也又若幽人曠逸竿甫逾三
學士清嚴孰未倍四梳翻雲髻兮曉景透乎
香閨經開貝葉兮晨鐘鳴乎古寺舟橫野渡
兮驚月落而烏啼獵合平原兮喜黃牽而蒼
臂草木向曙以敷榮飛走和鳴而得意此又
臨照無私恩光遍及於萬類者也斯時也後
天一度而輝燭於大荒出地咫尺而宣耀於
無疆夜光無所施其用火齊無可耀其光杖
何為兮誇夸父戈何為兮稱魯陽節何用兮

其豐繩何施兮其長考盈虧兮何與驗中是
兮無妨若太極兮始判而將今如元會兮方
流而未央又何必記合璧於伊耆之代舉抱
戴於晉帝之堂侈談王字之瑞徒稱五色之
光哉客有興寄泰山之嶠神遊日觀之峰觀
初陽之煒煜攬顥氣之冲融開懷抱暢心胸
鄙熊曜瑯琊之跡追青蓮登眺之蹤將遊心
乎太始觀造物之元功

瑾瑜匿瑕賦

爾其林薄生光岡陵煥美矚寶氣之爛然知
太璞之在是命彼良工呈其巧技既剖既琢
成文成理雖連城之比價亦微瑕之在裏磨
為器允稱夫圭璋調之音甚和乎宮徵若精
求其瑕輕棄其瑜則以分寸之痕翳累徑尺
之瓊琚譬夫水至清無魚人至察無徒故求
全者舍細謀大者略小不瑣瑣以求明不察
察以致考瑾之疵弗以否而混臧瑜之瑕掩
其裏而揚表用成韞匱之材為彼希世之寶

尺有所短寸有所長伊尺璧之為貴詎點瑕
之足妨程材以辨噐舍疵而取良願寄言於
銓才銘座右而莫忘

水輪賦

削竹為管揉木為輪假廣川之利潤代膏雨
之宏恩因時制宜奚必資乎匠伯澤民利物
乃有待於梓人爾其東作云興西成在望大
田多稼或懷旱魃之憂密雲不雨每塵旻天
之貺雖挹甕之勤奚為即挈瓶之利亦讓於

是轉岸上之飛輪汲江中之巨浪方來旋去
詭機軸之周環已納而吐欣洪波之奔放劃
如雷鼓之聲翻若飛鳧之狀揚清激濁兮大
澤旁通救患分災兮連畦滋暢鄙桔槔之小
惠殊棘韃以致功匪疾匪徐兮運旋而不竭
突如來如兮灌注而莫窮盈科而進兮施有
次第轉轂而輸兮用無始終流洋洋兮比潤
甘霖苗蕤蕤兮同舒律暖垂稻穗兮壟畝勻
黃築場圃兮篝車載滿是知輪者木之體既

與順而有功水者坎之盈亦剛中而有信相
資以濟引重之象何殊因物而施救曷之功
以迅敬陳澤物之奇勲用備風人之雅訓

白鹿洞賦

流鄱陽之洪浸峙五老之奇峰星分軫翼以
上耀境接吳楚而旁通諒地靈之所聚實間
氣之攸鍾吾聞山蒼蒼其含翠水渺渺其如
油松濛濛而黛蔚石磊磊其雲浮伊眠鹿之
町疇乃是創而是修架修椽以為屋聳高構

而成樓聚羣英以遊息惟古訓之研求陸有
登鄒之屐水有泛泗之舟想前修其未遠知
遵路之所由是地也李氏為之開先晦翁為
之善後講一理之淵源致四方之奔走既道
藪而學淵亦書左而史右絳帷捲處月霽階
前書帶抽時翠迷洞口緬遺蹟於匡廬仰先
賢之啟牖此嚮風者所以爭先而至今長垂
為不朽也

